

SAS ANTIGAS CARRELAS SEDILESAS

de Toninu Sanna



Correla Santu Antinu. Annu 1950. (foto Biblioteca Comunale Sedilo)

Nois sedilesos, cand'essimos dae 'omo nostra prò andare a fagher comporas o prò ateras incumbenzias, attraessamos sas prus bortas parizzas carrelas. Podet capitare de colare in sa carrela de sos suspettos, de su perigulu o de s'abandonu prò arribare a sa carrela 'e sa fortuna.

Chissai cantas bortas sos babbais nostros, prò lomper dae su frailarzu, a sa butecaria, dae su calzolaiu, a sa panga o prò imbisitare sos parentes anaesser colaos issos puru in custas carrelas o in sa carrela de sos ebreos, de s'eremita o de su meritu.

Custu narrer no est paristoria, ma sunt notizias seguras e zertas iscrittas in rezistros chi tenent valore de documentos istoricos, inue sunt muntovadas totugantas sas carrelas sedilesas.

Trattande s'argumentu a sa seria est doverosu narrer ch'in sos rezistros comunales iscartafogliaos dae s'annu 1866 finzas a s'annu 1871 non si muntovant numenes de carrelas, ma faeddant so-

lamente de *ighinaos*, ch'in Sedilo fint sos sighentes, commente nos narant custas duas ottadas:

Prim'Ighina l'aiant batizadu
s'antigu populadu sedilesu;
de ortos e trigarzos adornadu
cun pagos foghiles s'est distesu;
poi *Muntonarzu* l'ant giamadu
e su nomen primu no at mantesu;
sus'ejosso naschesit *Corrubare*,
S'en 'e Benepadru fianc'appare.

In vastu altipianu positados,
saludat *Benepadru* s'oriente,
Muntonarzu costoit sos biados
e dromit *Corrubar 'e* in su ponente.
In mesudda at *S'ena* fraigados,
solianu logu cun abba serente.
Carrelas tantas, largos istradones,
Santu Pedr 'e Nurache bastiones.

Custos bighinaos paret chi siant naschios pagu prus a mancu s'annu 1550.

Totugantos nos podimos fagher un'idea in cale tretu de sa 'idda fit postu onzi 'ighinau, proite chi zai resultant cunforme a sos de oe.

In s'annu 1872 invezze benint numenadas sas carrelas e onzuna collocada in d'una "Frazione quarteri" e custos quarteris fint battoro:

Frazione quarteri **Mazore** ue bi fint sas carrelas:

Alagon	De sa cuncordia	De su putzu
Anna	De sos suspectos	Martini
Amsicora	De su perigulu	Santu Pedru
Cursu Eleonora	De su precipiziu	Turritana
Demartis	De su procarzu	Uturinu bonesu

Frazione quarteri **Marghine** cun sas carrelas:

Baronale	De sos ebreos	Mannu
Cursu Eleonora	De sos zudeos	Sant'Antoni
De s'abbandonu	De su console	Santa Rughe
De sa costa	De su merini	Turca
De sa fortuna	Dettori	Uturinu Lazzaru

Frazione quarteri **Santu Zuanni** cun sas carrelas:

Amsicora	De s'eremita	Eretta
Costituzione	De su furru	Iosto
Cursu Eleonora	De sa molestia	Nurache
Demuru	De sas riservas	Parza Melis

Frazione quarteri **Nou** e benint numenadas solamente sas carrelas:

Carta Senes	Galante	Ugone
Cursu Eleonora		

Finzas prò custos bighinaos, no est difficultosu cumprendere in cale ala de sa 'idda fint postos. In su primu bi fint sas carrelas corrubaresas, prus duas carrelas de mesu 'idda de oe (Regina Elena - Martini); Su quarteri *Marghine* istaiat in sa zona *Benepadresa* e faghiat lacana cun su cursu Eleonora movinde dae su tretu 'e su mercau finzas a s'essida de sa 'idda andande a manu manca e, semper sighinde a sa matessi manu sas carrelas *Siotto*, *SantuAntinu* e *Sa marghine* (teninde contu chi su marghinile finzas a sos annos 1957-58 fit un'iscameddu) arribande a Parz'e Cresia e rugande dae su palazzu comunale cara" a Santa Rughe prò torrare a su mercau.

Su quarteri 'e Santu Zuanni fit postu in sa zona 'e *Muntonarzu*. In su quarteri nou, solu sas carrelas de *S'ena* urtimas fraigadas e chi oe bi namos Vittorio Emanuele III - Ugone - Marconi e unu cantu de Cursu Eleonora (a manu 'estra calande car'a su campusantu). Custu prò cumprender menzus s'isterrimenta de sa 'idda.

Ma annotamos chi carrela *Amsicora* (carrela *Regina Elena* de oe) benit numenada duas bortas, una prima in su quarteri *Mazore* e poi in su 'e



Carrela Lamarmora. S'annu de su niau. (foto Biblioteca Comunale Sedilo)

Santu Zuanni (Musio). Non b'at perunu errore. Nde faeddant non solu sos registros cumunales, ma finamentas su rezistru de sas "Partite catastali Comune di Sedilo - Categoria fabricati" chi andat dae su numeru 693 finzas a su numeru 979, chi s'agatat in *Archivio di Stato de Aristanis*. A cunfirma de custu resurtada ch'in sa "Caserma Regia Carabinieri" in *Correla Amsicora - quarteri sanili Zuanni*, est mortu unu Carabineri continentale zustu sa prima die 'e s'annu 1873.

Sa caserma 'e sos Carabineris, zai a cussos tempos fit in su matessi zassu inu 'est oe, ma s'intrada est semper istada (siat prò sa zente che prò sos caddos) dae carrela Musio, finzas a s'annu 1959, cand'est'istada ispostada a carrela 'e Sant'Antoni. Su locale fit de proprietade de su Cav. Zuseppe Micheli Deiana e zau in affittu a sa Provincia de Casteddu prò bi ponner sa caserma. Su mere at lassau in usufruttu custu palazzu, cun s'istumentu fattu su 1896 a sa segunda pobidda *Donna Sequi Maddalena*, macumeresa de naschida. Morta s'usufruttuaria in su 1919 nde diventai proprietariu prò lassa sa Comuna de Sedilo.

Agatamos numenadas ateras carrelas in sos rezistros de sos annos 1873, 1874 e 1875. No est

nau però chi no esserent esistias finzas prima mancarì non muntovadas, teninde contu chi su narrer *frazione quarteri* lu lezimos semper in s'annu 1872, ma raramente in sos annos s'ghentes. Osservande puru s'assonanzia de sos numenes seguramente si podet pensare chi esserent naschias sena duda in sa matessi epoca, siat puru non totugantas paris.

Nde elencamos una pariga:

Codina	De su contrabbandu	Santu Antinu
De sa mandra	De su monte	Santa Ittoria
De sa mendula	De su ziligugu	Sussarello
De sa murta	Dominariu distaccau	Torbeno
	Santa Margherita	
De sas ranas	Faraone	Utinu Milordo
De sa ziligherta	Greca	Utinu Nule
De sos cazzadores	Istrinta	Utinu Piludu
De sos piscadores	Parza Ispanu	

Dae s'annu 1876 e s'ghinde finzas a s'annu 1900, a medas carrelas ant zau numenes uguals a sos chi ancora oe in die conoschimos, ma finzas parizas de custas cun su tempus ant cambiau intestazione, fra sas cales ammentamos:

Beccarini - Cavour - Niola - Gioberti - Foscolo - Cugia - Cavallotti - Quintino Sella - Funtana - Aradia (est'iscrittu propriu Aradia ma faghet pensare chi siat Ardia) - Tigellio.

A Zuanne Siotto Pintor naschiu in Casteddu su mes'e Santu Andria 1805, zuighe de sa reale udiencia e mortu in Torino s'annu 1882, sa carrela resultai intestada duos annos prima de morrer.

Dae su millenoighentos in poi sos rezistros sunt prus ordinaos e prezisos e, sas carrelas su bonu numenadas comente l'as conoschimos oe in die e, de custu bisonzat de nde tenner contu. Parizas bortas est capitau de agatare componentes de unu matessi foghile chi, su primu naschiu fit rezistru in d'una carrela, su segundu in d'una diferente, su terzu de nou in sa prima, mentras est zertu chi totugantos fint naschios in sa matessi 'orno.

Un'atera conduma est istada rezistrada in d'una carrela inue no est ne naschia ne bi at tentu abitazione, ma at tentu nadia e abitu in diversa carrela prò cantu no esserent attesu una dae s'alerà.

B'at finzas de osservare e fagher presente un'ateru particolare. In sos rezistros de *Archiviu di Stato de Aristanis*, medas bortas agatamos chi unu dominariu resultai prima rezistru in d'una carrela ma poi de annos, morinde su proprietariu

Pisanu Autolinee

**AUTONOLEGGIO
BUS - MINIBUS - SCUOLABUS**

Via Carlo Alberto, 51
Tel. 0785.59405 - 09076 SEDILO (OR)



**MACELLERIA
ROBERTO SALARIS**

**SOLO CARNI LOCALI
BOVINI - OVINI - SUINI - POLLAME - INSACCATI
SEDILO - Via G. Deledda, 2 - Tel. 0785/59740**

e faghinde su denunziu, eniat muntovada non sa matessi ma sa carrela parallela. Conoschinde sas carrelas e sas erenzias non paret diffizile ispiegare custos cambiamentos.

A sos tempos fit raru chi unu dominami no esseret tentu ortos siada a dananti che a daesegus e cun bessidas dae ambos chirros. Faghinde su denunziu, relatiana chi sa 'orno teniat s'ossida a sa carrela chi bis fit prus a cumbeniu e s'iscrianu (a sos tempos de regulamentos edilizios non sinde faeddiat mancu lontanamente) non faghiat seguramente peruna osservazione. A cunfirma de cantu est'istau nau si tiant poder muntovare tantas cundumas chi teniant ortos mannos che tancas. A custos ortos requiant su bestiamene prò croccare, pro meriare o prò ateros motivos, non narzo tantu de su bestiamene minudu (ma finzas cussu) ma caddos, boes, pegos de mola e totus teniant unu o duos procos de ingrassu e sas puddas (chi però paschiant finzas in sas carrelas).

Teninde contu de tottu custas notizias, poi de las aer cunfrontadas cun sos rezistros e cun sos paperis de su catastu, amos fattu amentu de sas condumas de una chimbantina de annos prima de oe (in s'ispera chi sa memoria siat ancora deghile) e pregontau in propositu personas chi tenent parizzos annos in prus de chie iscriet custas rigas. Non paret zustu e nemmancu opportunu muntovare sas erenzias chi sun'istadas pigadas in cunsideru finzas prò su fattu chi s'elencu est abbastanza longu. Solu faghinde in cussa manera sunt bessios a pizu sos numenes antigorios de sas carrelas sedilesas e si podet narrere de aer agatau sas cur-

rispondentes de oe cun pagos motivos de isbagliu.

Est zustu narrer puru chi pro una pariga no amos tentu perunu indiziu, mancarì chi prò calicuna s'iscat in cale ighinau si agataiant, finzas proite chi sos numenes de custas carrelas si muntovant solamente finzas a s'annu 1885 e bisonzat de cumprender sas difficultades. Faghimos unu esemplu e pigamos sa carrela de sa murta inue resultat chi bi siat bivia una sola pessone, una zerta Peppantonia Deias morta a s'edad'e settant'annos sa die 5/12/1874, su babbu si naraiat Franziscu, non si conoschiat sa marna e biviato de sa caridade anzena.

Isperamos chi calicunu, lezinde custas notizias tenzat ammentos prus prezisos e si fezat intendere.

Pro urtиму faghimos s'elencu de totucantas sas carrelas antigorias chi si conoschent e de sas incognitas annotande sos cambiamentos de numene chi ant tentu e zande finzas calchi ispiegazione.

In s'urtima columna iscrivimos su numene chi risultada oe in die.

In sa carta de Sedilo chi benit imprentada, sas carrelas sunt sas chi attraessamos oe ma lezimos sos numenese antigorios.

In finitia mi paret doverosu ringraziare Bonacata Munzile, Zuannedda Chirra, tzia Zuanna Pes Carta, tziu Sarbadore Pes (Miradore), Paulinu Tspada, Baroreddu Muredda, ma in maniera particolare Maria Meloni, sa funzionarla Comunale chi tenet in'impreu sos rezistros de sa popolazione sedilesa.



S.I.M.E. 2000
SOCIETÀ INSTALLAZIONI E MANUTENZIONI ELETTROSTRUMENTALI

www.sime2000.it

S.P. 17, Km. 18 - Zona Industriale
Tel. 0784.721031
Fax e Segr. 0784.721205
08020 OTTANA (NU) - C. P. n. 10

INSTALLAZIONE E MANUTENZIONE DI:

IMPIANTI E MACCHINE ELETTRICHE VARIE

STRUMENTI DI MISURA E CONTROLLO IN USO A IMPIANTI INDUSTRIALI
O ATTIVITÀ PRODUTTIVE IN GENERE

IMPIANTI DI SOLLEVAMENTO E TRASPORTO DI PERSONE O COSE

SISTEMI DI PESATURA, BILANCE - CERTIFICAZIONE DI TARATURA STRUMENTI

Numenes carrelas antigorias	Ispiegaciones	Numenes de sas carrelas currispondentes
Abbandona		Depretis
Alagon		Alagon
Anna		Mazzini
Amsicora		Regina Elena
Amsicora		Musio
Aradia	Probabili chi esseret Ardia. Uturinu serrau chi forzis bessiat a su marghinile e a probe carrela	Amsicora
Azuni		Azuni
Baronale	Poi Principe Umberto	Ferracciu
Bonesu (uturinu)	Urtimu cantu a sos tempos de carrela	Turritana
Canale		Pes Mameli
Carta Senes		Vittorio Emanuele III
De sos cazzadores	Non si conoschet	
Codina		Asproni
Columbu (uturinu)		Padre Cavino
De su console	Poi Gioberti	Angioi
Contrabbandu	Ma finzas uturinu Piludu	Araolla
De sa costa	Moviat dae su portaleddu de sa cresia matzore - sighinde carrela Efisio Marini - carrela Nuoro (Sa marghine) e finiat in carrela	Sant'Elena
Costituzione		Costituzione
Cugia		De Castro
De sa cuncordia	S'urtimu cantu de carrela	San Pietro
Dante	Urtimu cantu de carrela	Dettori
Demartis	Su primun numene de carrela	Carta Senes
Demuru	Ma finzas de su monte, poi Cavour e oe carrela	Demuru
Dettori		Dettori
Dominariu distaccau Santa Margherita	Incognito	
De sos ebreos		Lamarmora
De s'eremita		Cesarer Cantu
Eretta	Poi Foscolo	Umberto I
Farà	Rione Muntonarzu	Matteoti
Faraone	In sa mesania de carrela	Carta Senes
De sa fortuna		Sulis
De su furre	In muntoinarzu (incognita)	
Foscolo		Manzoni
Funtana		Del pozzo
Funtana		Mannu
Galante	Poi Cavalloti	Marconi
De sos giudeos		Tola
Greca	Su trettu in sa mesania de carrela	San Pietro
Iosto		Iosto
Istrinta	Poi carrela noa o istradone nou	Carlo Alberto
Lazzaru (uturinu)	Poi Cugia	De Castro
Manai	Torbeno	Manai
De sa mandra		Vico Martini
Manna		Mannu
Martini		Martini
Parza Melis	Parz'e Cresia - pro esser prus precisos inue oe b'est su centru de aggregazione soziale	Piazza San Giovanni
De sa mendula	Incognita	
De su meritù		Murenu
Milordo (uturinu)		Vico Eleonora
De sa molestia	Uturinu chi rugat dae carrela Costituzione a carrela Asproni	Senza numene

Numenes carrelas antigorias	Ispiegaciones	Numenes de sas carrelas currispondentes
De su monte De sa murta Niola Noa (carrela) Nurache Nule (uturinu) Padru mannu De su perigulu Piludu (uturinu) De sos piscadores De su precipiziu De su precipiziu De su procarzu De su putzu De sas ranas De sas riservas Sella Parz'e s'ena Rughe d'istrada De sos suspettos Torbeno Torbeno Turca Turritana Ugone Ugone Ziligherta Ziligugu Sant'Antoni (uturinu) Santu Pedru Santa Rughe Santu laccu (uturinu)	Incognita Poi Tigellio- de sa costa S'urtima 'orno accant'e s'ortu 'e su marchesi Forzis b'ant postu custu numene a motivu de unu putzu chi bi fit in su caminu Ma finzas carrela de su contrabbandu Una conduma est'istada rezistrada in custa carrela ma est naschia e bivia in carrela Tiat benner de ponzare subita a carrela "del pozzo". Prus seguramente chi siat carrela Sussarello. Su primu numene de Sussarello fit Quintino Sella, chi però est mortu doighi annos appoi (1884) chi amos connotu carrela su putzu (1872), ma no est nau chi esistiat finzas dae prima. In custa carrela puru b'est ancora oe unu putzu, e sa cosa faghet dubitare. Ad ogni modu abarramos cun su dubbiu chi siat No est seguru a su chentu prò chentu però faghet penzare chi siat Beccarini Parza Garibaldi Parza de S'asilo Urtimas domos de Sussarello Beccarini Su primu cantu est diventau De zertu su primu canni ma forzis finzas totu sa carrela Su primu cantu finzas a inue fit sa cresia Su tretu comente est oe e totu carrela	Demuru Cesare Zonchello Colombo Nurache Fra Cosimo Del pozzo Del pozzo Araolla Amsicora Conte Serra San Basilio Vico Regina Elena O Via del pozzo o Via Sussarello Siotto Sassari Sussarello Piazza Regina Margherita Piazza Spano Carta Senes Gialeto San Pietro Farà Turritana Ugone Piazza Regina Margherita Santa Vittoria Ocier Real Via Carlo Felice San Pietro Vittorio Emanuele II Teologo Niola

GraficArt
2000

STAMPIAMO SU TUTTO!!!

- STUDIO GRAFICO, • STAMPE LASER
- SERIGRAFIA, • RICAMO, • TAMPOGRAFIA

Via Cagliari, 36 - Tel. 0785.50240
09074 SODDI (OR)

MANCA MIRKO

Prodotti per l'agricoltura
e la zootecnia
AUTOTRASPORTI

S.P. Sedilo - Borore Km. 1
Tel. 0785/59423 - SEDILO (OR)